

Hubungan baik Cina-Melayu kekal bawah BN

ALOR GAJAH 10 April - Datuk Seri Najib Tun Razak berkata, tradisi hubungan baik antara orang Cina dan Melayu akan terus dikembangkan di bawah pemerintahan kerajaan Barisan Nasional (BN) sampai bila-bila.

Menurut Timbalan Perdana Menteri, konsep pemerintahan itu menjadi prasyarat dan asas untuk membina sebuah negara yang aman dan maju.

"Orang Cina seperti Laksamana Cheng Ho datang ke sini bukan nak menyerang orang Melayu, nak jajah orang Melayu tetapi datang nak

menghulurkan tangan tanda persahabatan.

"Sebab itu ada orang Cina sanggup bina masjid untuk orang Melayu dan orang Melayu sedia menjaga keselamatan orang Cina.

"Itulah tradisi hubungan orang Cina dan Melayu. Tradisi ini hanya dapat dipertahankan oleh kerajaan BN sekarang," kata Najib ketika berucap pada majlis perasmian Taman Rekreasi Datuk Wira Poh Ah Tiam di Machap Baru di sini hari ini.

Turut hadir ialah Menteri Pelancongan, Datuk Tengku Adnan Teng-

ku Mansor; Menteri Sumber Manusia, Datuk Seri Dr. Fong Chan Onn; Ketua Menteri Melaka, Datuk Seri Mohd. Ali Rustam serta calon BN, Lai Meng Chong.

Menurut Timbalan Perdana Menteri, Masjid Datuk Machap di Machap Baru di sini membuktikan betapa eratnya hubungan antara kedua-dua kaum itu sejak dahulu lagi.

"Masjid itu dibina hasil sumbangan orang Cina pada 1902. Masih ada papan tanda merakamkan nama orang Cina yang menderma.

"Ada yang derma RM250. Bayangkan nilai RM250 tahun 1902...

um- 11/4/2007.
betapa besar nilainya pada masa itu," tambah beliau.

Kemudian, kata Najib, Datuk Machap pula telah menyelamatkan 50 orang Cina yang sedang menunggu masa untuk dipancing oleh tentera Jepun pada 1942.

"Dengan doa Datuk Machap, orang Jepun yang datang untuk memancing orang Cina termasuk bapa calon kita dan bapa Poh Ah Tiam sakit perut dan tak jadi datang.

"Itulah satu cerita yang melambangkan hubungan erat antara kaum yang sudah lama wujud dan akan kekal di bawah BN," kata beliau di

hadapan kira-kira 2,000 penyokong BN yang majoritinya orang Cina.

Kisah kejayaan Datuk Machap menyelamatkan orang Cina daripada menjadi mangsa tentera Jepun didedahkan oleh Meng Chong kepada Ketua Menteri Melaka dalam satu majlis pada 5 April lalu yang kemudian mendapat liputan meluas akhbar.

Malahan calon BN itu juga memaklumkan tentang sejarah pembinaan Masjid Datuk Machap.

Masjid yang dibina oleh Datuk Machap atau nama sebenarnya Jailani Mendik Mecap menjadi kunj-

ngan orang Cina setiap tahun.

Sebelum ke majlis tersebut, Timbalan Perdana Menteri berkesempatan mengunjungi masjid dan menziarahi makam Datuk Machap di tebing Empangan Durian Tunggal tidak jauh dari taman rekreasi berkenaan.

Machap Baru mempunyai 2,161 calon berdaftar dengan 1,994 daripadanya pengundi Cina sementara Melayu (136), India (28) dan tiga orang pengundi daripada kaum lain.

Hari pembuangan undi pilihan raya kecil DUN Machap akan diadakan Khamis ini.